

Stadtarchiv Leutkirch

Kanzleiprotokoll 1627-1658 (Inv.Nr.115)

pag.3 8.1.1627

Georg Rauch Burger zu Leütkirch, verschreibt sich gegen Joß Nozen deß Rhats, vnd Andreas Rauchen Als verordnete Vögten Anna Rauchin, weiland Georgen Nozen Sattlers seligen Wittib, vmb .100.fl. Hauptgut. vnd .5.fl. Zinß vff Liechtmeß Ao: 28. den ersten Zinß, auch vff Abkündung Aines halben Jahrs, so beden thailen über kurz oder lang vorbehalten, Zinß vnd Hauptgut samentlich zuerlegen, Vnderpfandt sein Hauß, Hofstatt, Speicher Benndelin vnd garthen, An vnd bei Ainander zu Leütkirch Jnn der Vndern Vorstat, zwischen Andreas Rauchen S: Leonhardts pfreundtgarthen, vnd Hanß Hafners beund gelegen, hinden An Paul Scheuchen Erben beund, vornen An die straß stoßendt, für frei, ledig vnd loß. Actum .8.Januarij Ao: 1627.

Kanzleiprotokoll 1616-1626 (Inv.Nr.114)

pag.206 23.7.1618

Georg Noz Sattler Burger zu Leütkirch, verschreibt sich gegen St: Niclausen zu Hegkhelbach, Balthus Hauwen vnd Georg Dilper allß Pflegern daselbsten vmb 100 fl hauptguet, vnd 5 fl. Zinß vff Liechtmeß Ao:19 den ersten Zinß zuerlegen....Vnderpfand sein hauß sambt dem Städelin vnd gärtlin darhinder allhie zu Leütkirch, vor dem Obern Thor, zwischen Peter Rauchen vnd Abraham Furtenbachen heüßern gelegen, hinden an den Schüßgraben stoßend...Actum 23. Julij Ao:(16)18.

pag.320 27.11.1620

Hans Klainbrot der Jünger vnd Jörg Noz Sattler Burgere zu Leütkirch bekennen als dann Andreas Rauch Jhr lieber Schwager von obbestimpten Allmußpflegern einhundert gulden vmb Verzinsung auffgenommen, vnd darumb seine .2. tagwerckh vff den newen wesen verschriben, dieweil aber Jhr lieber Schweher vnd Vatter Jörg Rauch Jhnen ettliche äckher vnd wisen vff .2.Jar bestandtsweiß verlihen.... Actum ut supra (27.Nov.1620)

pag.556 21.9.1624

Anna Rauchin weiland Georg Nozen Sattlers burgers zu Leütkirch Wittib mit vorwißen Zunftmeister Joß Nozen deß Rhats vnd Andreas Rauchen baider Burgere zu Leutkirch Jrer verordneten Vögten, verschreiben sich gegen Hannß Bodmer altem Spitalhuber-... vmb .100.fl Hauptgut.....Actum .21. Septemb. Ao. (16)24.